

JZU BOLNICA „SVETI VRAČEVI“

BIJELJINA

Broj: 961-1 /25

Dana: 28.02 2025. godine

Na osnovu člana 64. stav (1) tačka a) i člana 70. stav (1), (2), (3) i (6) Zakona o javnim nabavkama BiH („Službeni glasnik BiH“ broj 39/14, 59/22 i 50/24), člana 36. Pravilnika o javnim nabavkama JZU Bolnice „Sveti Vračevi“ Bijeljina, člana 8. Pravilnika o uspostavljanju i radu komisije za nabavke („Službeni glasnik BiH“, broj: 103/14 i 49/23), a na preporuku Komisije za javne nabavke, broj: 6691-4/24 od 18.02.2025. godine, imenovane rješenjem broj: 6315-1/24 od 20.11.2024. godine, u postupku javne nabavke za nabavku robe – „Potrošni materijal za potrebe Odjeljenja za oftalmologiju“ – otvoreni postupak, broj: 5624/24, objavljenom na Portalu javnih nabavki pod brojem: 106-1-1-449-3-253/24, v.d. direktora JZU Bolnice „Sveti Vračevi“ Bijeljina, donosi:

O D L U K U

o poništenju dijela postupka nabavke za nabavku robe – „POTROŠNI MATERIJAL ZA POTREBE ODJELJENJA ZA OFTALMOLOGIJU“ putem otvorenog postupka, broj: 5624/24

Član 1.

U skladu sa članom 69. stav (2) tačka d) Zakona o javnim nabavkama BiH poništava se postupak nabavke broj 5624/24 za lot: 5 jer nijedna od primljenih ponuda nije prihvatljiva.

Član 2.

Ova Odluka stupa na snagu danom donošenja i shodno članu 70. stav (6) i članu 71. Zakona o javnim nabavkama BiH, biće proslijeđena ponuđačima koji su učestvovali u

postupku javne nabavke uz istovremeno objavljivanje na veb stranici Ugovornog organa: www.bolnicabijeljina.com.

O b r a z l o ž e n j e

U postupku javne nabavke broj 5624/24 (broj obavještenja na portalu javnih nabavki: 106-1-1-449-3-253/24) za nabavku robe – potrošni materijal za potrebe Odjeljenja za oftalmologiju, po Otvorenom postupku, na protokol JZU Bolnice „Sveti Vračevi“ Bijeljina blagovremeno su zaprimljene 3 (tri) ponude:

1. Ponuda „Adrialine“ d.o.o. Banja Luka, broj 6572/24 (za lotove: 1, 3 i 4)
2. Ponuda „Medicom“ d.o.o. Bijeljina, broj 6599/24 (za lotove: 1, 2, 4, 6, 7, 8, 9, 10 i 11)
3. Ponuda „Medical partners“ d.o.o. Tuzla, broj 6610/24 (za lotove: 3, 4, 5, 7 i 11)

Komisija za nabavku imenovana Rješenjem broj 6315-1/24 od 20.11.2024. godine izvršila je javno otvaranje pristiglih ponuda, pregled, analizu i ocjenu ponuda, te konstatovala da su ponude: **„Adrialine“ d.o.o. Banja Luka** (za lotove: 3 i 4); **„Medicom“ d.o.o. Bijeljina** (za lotove: 1, 2, 4, 6, 7, 8, 9, 10 i 11) i **„Medical partners“ d.o.o. Tuzla** (za lot: 11) **prihvatljive** jer ispunjavaju sve uslove iz tenderske dokumentacije, dok ponude **„Adrialine“ d.o.o. Banja Luka** (za lot: 1) i **„Medical partners“ d.o.o. Tuzla** (za lotove: 3, 4, 5 i 7) **nisu prihvatljive**.

Ponuda broj 6572/24 **„Adrialine“ d.o.o. Banja Luka za LOT-1 je neprihvatljiva** za Ugovorni organ iz sljedećih razloga:

U lotu 1 je tražen *Tripan blue sterilni rastvor 1 ml u ampuli... skladištenje od 10° do 30° C*. Ponuđač „Adrialine“ d.o.o. Banja Luka je ponudio proizvod „Bio-Blue koji se skladišti na temperaturi od 2° do 35°C, što nije prihvatljivo, te je ponuda za dati lot odbačena u skladu sa članom 68. stav (4) tačka i) Zakona o javnim nabavkama BiH.

Ponuda broj 6610/24 **„Medical partners“ d.o.o. Tuzla za LOT-3, LOT-4, LOT-5 i LOT-7 je neprihvatljiva** za Ugovorni organ iz sljedećih razloga:

U lotu 3 za stavku 1 je tražen incizioni bočni nožić, angulirana drška 30 stepeni. Ponuđač „Medical partners“ d.o.o. Tuzla je ponudio „stab knives“ proizvođača „Sidapharm“ a isti nije anguliran, što nije prihvatljivo, te je ponuda za dati lot odbačena u skladu sa članom 68. stav (4) tačka i) Zakona o javnim nabavkama BiH.

U lotu 4 je tražena hirurška prekrivka za oftalmologiju dimenzija 122 cm x 102 cm. Ponuđač „Medical partners“ d.o.o. Tuzla je ponudio prekrivku proizvođača „Nurel Medical San ve Tic A.S“ dimenzija 150 cm x 150 cm, što nije prihvatljivo, te je ponuda za dati lot odbačena u skladu sa članom 68. stav (4) tačka i) Zakona o javnim nabavkama BiH.

U lotu 5 je tražen disperzivni viskoelastik, hidroksipropilmetilceluloza 2,5 %. Ponuđač „Medical partners“ d.o.o. Tuzla je ponudio disperzivni viskoelastik proizvođača „Sidapharm p.c.“ sa 2 % hidroksipropilmetilceluloza, što nije prihvatljivo, te je ponuda za dati lot odbačena u skladu sa članom 68. stav (4) tačka i) Zakona o javnim nabavkama BiH.


U lotu 7 je tražen kohezivni viskoelastik, pakovanje 0,85 ml. Ponuđač „Medical partners“ d.o.o. Tuzla je ponudio kohezivni viskoelastik proizvođača „Sidapharm p.c.“ u pakovanju 1 ml/1,5 ml, što nije prihvatljivo, te je ponuda za dati lot odbačena u skladu sa članom 68. stav (4) tačka i) Zakona o javnim nabavkama BiH.

Kako je za lot 5 pristigla samo jedna ponuda, „Medical partners“ d.o.o. Tuzla i ista je neprihvatljiva, odlučeno je kao u dispozitivu.

Pouka o pravnom lijeku

Protiv ove Odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda Zakona i podzakonskih akata od strane ugovornog organa u postupku javne nabavke. Žalba se može izjaviti u roku od 10 dana

od dana prijema odluke. Žalba se izjavljuje na način propisan članom 99. Zakona o javnim nabavkama.

 V.D. DIREKTOR
Prim. dr Mikajlo Lazić

Dostavljeno:

- Ponuđačima
- Odsjeku za javne nabavke
- a/a